

**Interreg**  
**POCTEFA**  
**LINGUATEC**



18-06-2021

[Es/Fr](#) - [Eus](#) - [Ara](#)

## CONGRÈS TRANSFRONTERÈR

Intelligéncia artificiaua e cooperacion transfronterèra : de cap a ua infraestructura lingüística intelligenta e accessible



### Dusau jornada a Sent-Sebastian

La dusau session deu Congrès transfronterèr deu projecte LINGUATEC que's tienó a Sent-Sebastian, au Palais Miramar, sèti de l'Universitat d'estiu de l'UPV/EHU. Jon Abril Olaetxea

(coordinador generau d'Elhuyar), Junkal Gutierrez (vicerector deu basco, de la cultura e de l'internacionalizacion de l'UPV/EHU) e Garbiñe Mendizabal (directora de l'egalitat lingüistica de la Diputación Provincial de Gipuzkoa) qu'avièn la conferéncia qui, en seguici de çò d'escambiat la velha, e comencè per ua taula redonda « Besonh d'infraestructuras lingüisticas entà har créisher la cooperacion transfronterèra ». Jean- Louis Valls, director deu CTP-POCTEFA, que participè a la taula redonda, atau com Mikel Anton, director deus ahars europèus deu govèrn basco ; Pello Pellejero, membre deu servici de l'accion europèa, de la cooperacion interregionau e de la ciutadanetat extèrna deu govèrn de Navarra ; José Ignacio López Susín, director generau de la politica lingüistica (Govèrn d'Aragon) e Arola Urdangarín, directora de l'Euroregion Novèla Aquitània Euskadi Navarra.



### Hialat d'excelléncia entà ua infraestructura lingüistica transfronterèra

La dusau partida de la jornada qu'estó dedicada a las iniciativas transfronterèras en mestior de desenvolopament lingüistic. Mentàver que cau la lectura e la signatura deu manifeste fondator deu hialat d'excelléncia en intelligéncia artificiau entà la construccion d'ua infraestructura lingüistica transfronterèra peus sòcis deu consòrci, acompanyats peu maire de Sent-Sebastian, Eneko Goia.

Arron la signatura, daubuns representants de diferentas iniciativas europèas que parlèn de las oportunitats e deus desfís ligats a la cooperacion tecnologica enter las lengas : European Language Grid, European Language Equality, The Digital Language Diversity Project, lo Congrès permanent de la lenga occitana.

La conferéncia que s'acabè per un talhèr de demostracion de las aplicacions màgers desenvolopadas dens l'encastre deu projècte LINGUATEC : l'APP, la barra d'utís e lo plug-in CMS entà la traduccion automatica ; las platafòrmas e aplicacions de sintèsi vocau (entà l'occitan e lo basco) ; las APP multilinguas e accessiblas ; e las aplicacions de reconeishença vocau e de sostitolatge automatic.

[Consultar los utís desenvolopats per LINGUATEC](#)

---

" Mercés a tots los qui participèn ad aquesta conferéncia e au projècte. Que contunharam de tribalhar sus aqueth tipe d'utís entà que lo basco, l'aragonés e l'occitan ajan ua vitalitat de las bonas capvath lo numeric. Qu'ei dab plaser qui'vs tornaram véder entaus projèctes a vièner ".

Josu Aztiria, coordinador de projècte

---



Laguntzailea



UDA IKASTAROAK  
CURSOS DE VERANO  
SUMMER COURSES  
www.uik.eus

Lo projècte EPT 227/16 Linguatèc qu'estó aprovat en lo segond aperet a projècte POCTEFA dab un budgèt de 1 227 500 € e qu'ei cofinançat a 65% peu Hons Europèu de Desvolopament Regionau (FEDER) peu miei deu Programa Interreg V-A Espanha-França-Andòrra (POCTEFA 2014-2020).

[Actualizar dadas de soscripcion](#) o [cancelar la soscripcion](#).

